

Bosna i Hercegovina  
Agencija za rad i zapošljavanje  
Bosne i Hercegovine  
SARAJEVO

---

Bosnia and Herzegovina  
Labor and Employment Agency of  
Bosnia and Herzegovina  
SARAJEVO



*Bosna i Hercegovina  
Агенција за рад и запошљавање  
Босне и Херцеговине  
САРАЈЕВО*

---

*Bosnia and Herzegovina  
Labor and Employment Agency of  
Bosnia and Herzegovina  
SARAJEVO*

**SREDNJOROČNI PLAN RADA  
AGENCIJE ZA RAD I ZAPOŠLJAVANJE  
BOSNE I HERCEGOVINE  
ZA PERIOD 2018. – 2020. GODINA**

Sarajevo, Septembar 2017.

# SREDNJOROČNI PLAN RADA INSTITUCIJE

Agencija za rad i zapošljavanje BiH  
01.01.2018 DO 31.12.2020

Verzija 2017  
16.08.2017

## Sadržaj

<u>Poglavlje 1: Strateški okvir</u> .....	2
<u>Poglavlje 2: Vizija i misija institucija</u> .....	4
<u>Poglavlje 3: Učesnici i partneri</u> .....	4
<u>Poglavlje 4: Osnovna programska opredjeljenja</u> .....	5
<u>Poglavlje 5: Resursi i kapaciteti potrebni za postizanje ciljeva</u> .....	6
<u>Poglavlje 6: Okvir za praćenje provođenja plana i evaluacija rezultata</u> .....	6
PRILOG 1: Akcioni plan Srednjoročnog plana rada institucije	
PRILOG 2: Pregled zakona, drugih propisa i razvojno-investicionih projekata/programa predviđenih Srednjoročnim planom rada institucije	

## Poglavlje 1: Strateški okvir

U skladu s Strateškim okvirom za Bosnu i Hercegovinu, u okviru principa razvoja, mandat Agencije za rad i zapošljavanje Bosne i Hercegovine (u daljem tekstu: ARZ BiH) doprinosi opštem principu razvoja Inkluzivnom rastu. Inkluzivni rast ima za cilj poduzimanje koordiniranih politika koje će osigurati značajan napredak kroz povećanje zaposlenosti svih društvenih grupa, jačanje aktivnih i pasivnih mjera na tržištu rada, cjeloživotno učenje i građansku kulturu, čime se podržava socijalna kohezija, odnosno sprječava socijalna isključenost i smanjuje siromaštvo. U okviru ovog strateškog principa definisan je Strateški cilj 10 - Povećanje mogućnosti za zapošljavanje, što podrazumjeva efikasniju koordinaciju aktivnosti sa nadležnim institucijama u BiH na harmonizaciji planova entitetskih tijela vlasti i definiranju strategija na međunarodnom planu u oblasti rada i zapošljavanja.

Srednjoročni plan rada ARZ BiH za period 2018.-2020. poslužiće kao osnova za godišnje planiranje rada ove institucije. Usvajajući Srednjoročni plan rada za period 2018.-2020., ARZBiH donosi glavni strateški okvir za donošenje odluka o budućim pravcima za njen daljnji razvoj, što pokazuje i jasnu privrženost ove institucije za daljim jačanjem i razvojem u skladu sa međunarodnim standardima i najboljom evropskom praksom.

ARZ BiH je osnovana 2003. godine, kao samostalna upravna organizacija u okviru institucija Bosne i Hercegovine, a njene nadležnosti su regulisane članom 6. Zakona o Agenciji za rad i zapošljavanje Bosne i Hercegovine („Službeni glasnik BiH“, broj: 21/03 i 43/09). Agencija obavlja stručne i druge poslove koji se odnose na oblast zapošljavanja u okviru nadležnosti Bosne i Hercegovine, a koji pretežno zahtjevaju primjenu stručnih i naučnih metoda rada i s njima povezanih upravnih poslova. ARZBiH je nadležna da:

- a) u oblasti zapošljavanja iz svoje nadležnosti predstavlja Agenciju, saraduje s nadležnim agencijama, institucijama i međunarodnim organizacijama u tim oblastima;
- b) u koordinaciji sa Ministarstvom civilnih poslova Bosne i Hercegovine (u daljem tekstu: resorno ministarstvo BiH) izvršava preuzete međunarodne obaveze iz oblasti zapošljavanja, a saradujući sa nadležnim entitetskim zavodima za zapošljavanje i Zavodom za zapošljavanje Brčko distrikta BiH;
- c) prati primjenu međunarodnih standarda i politika u oblasti zapošljavanja i u saradnji sa entitetskim zavodima za zapošljavanje i Zavodom za zapošljavanje Brčko distrikta BiH učestvuje u njihovoj implementaciji;
- d) inicira zaključivanje međunarodnih ugovora u oblasti zapošljavanja i učestvuje u vođenju pregovora za zaključivanje međunarodnih ugovora u oblasti socijalnog osiguranja za dio nezaposlenosti i prati njihovo provođenje u saradnji sa zavodima za zapošljavanje entiteta i Brčko distrikta BiH;
- e) koordinira aktivnosti u domaćim i međunarodnim projektima u oblasti zapošljavanja koji su od interesa za Bosnu i Hercegovinu i saraduje sa entitetskim zavodima za zapošljavanje i

Zavodom za zapošljavanje Brčko distrikta BiH u realizaciji istih;

f) prikuplja inostrane i domaće zahtjeve i informacije o ponudi i potražnji domaće i strane radne snage i u saradnji sa entitetskim zavodima za zapošljavanje i Zavodom za zapošljavanje Brčko distrikta BiH realizuje iste u granicama svojih nadležnosti i mogućnosti tržišta rada u Bosni i Hercegovini;

g) prati, analizira i istražuje privredna, društvena i druga kretanja, stanje zaposlenosti i nezaposlenosti, te njihove međusobne uticaje u saradnji sa entitetskim zavodima za zapošljavanje i Zavodom za zapošljavanje Brčko distrikta BiH, na osnovu čega predlažu potrebne mjere i aktivnosti na unapređivanju zapošljavanja;

h) inicira potrebne aktivnosti kod entitetskih zavoda za zapošljavanje i Zavoda za zapošljavanje Brčko distrikta BiH da se zajednički i u saradnji sa poslodavcima, sindikatima, obrazovnim ustanovama i drugim udruženjima organizuju i provode programi profesionalnog usmjerenja i obrazovanja u cilju većeg zapošljavanja i drugih oblika aktivne politike zapošljavanja;

i) koordinira u zapošljavanju bosanskohercegovačkih građana u inostranstvu u granicama svojih zakonskih nadležnosti i u saradnji sa entitetskim zavodima za zapošljavanje i zavodom za zapošljavanje Brčko distrikta BiH;

j) vrši potrebne analize i sastavlja izvještaje i dokumente iz oblasti zapošljavanja, sačinjava nacрте, prijedloge i radne materijale dokumenata koje usvajaju i donose organi vlasti Bosne i Hercegovine po iskazanim zahtjevima Vijeća ministara Bosne i Hercegovine i resornog ministarstva, po potrebi uz saradnju sa entitetskim zavodima i Zavodom za zapošljavanje Brčko distrikta BiH;

k) predlaže Vijeću ministara dugoročni, srednjoročni i godišnji plan o smjernicama politika tržišta rada i aktivnim mjerama zapošljavanja u Bosni i Hercegovini zajedno sa entitetskim zavodima za zapošljavanje i Zavodom za zapošljavanje Brčko distrikta BiH, a putem resornog ministarstva BiH;

l) u saradnji sa entitetskim zavodima za zapošljavanje i Zavodom za zapošljavanje Brčko distrikta BiH daje resornom ministarstvu BiH mišljenje i prijedloge za zapošljavanje stranaca (kvote);

m) u saradnji s entitetskim zavodima za zapošljavanje i Zavodom za zapošljavanje Brčko distrikta BiH, osigurava neophodne podatke u oblasti nezaposlenosti, posebno onih koji se odnose na izvršavanje međunarodnih obaveza;

n) dostavlja svoje redovne godišnje izvještaje o radu i godišnje programe rada Vijeću ministara BiH,

o) provodi obuku i osposobljavanje svog kadra kako bi se odgovorilo zahtjevima i izazovima međunarodnih obaveza i integracijskih procesa, te inicira isto kod entitetskih zavoda za zapošljavanje i Zavoda za zapošljavanje Brčko distrikta BiH.

Svoje nadležnosti ARZBiH izvršava sa 31 zaposlenih, od ukupno 33 koliko je predviđeno Pravilnikom o unutrašnjoj organizaciji. ARZBiH svoje aktivnosti finansira iz Budžeta Institucija BiH i po nalazima Ureda za reviziju institucija Bosne i Hercegovine ističe se pozitivnim izvještajima o poslovanju.

Kod donošenja Srednjoročni plan rada ARZBiH 2018.-2020., u obzir su uzeti i slijedeći zakonski propisi i ostali dokumenti:

- Zakon o Agenciji za rad i zapošljavanje BiH (Sl. glasnik BiH, 21/03 i 43/09.);
- Sporazum o stabilizaciji i pridruživanju između EU i Bosne i Hercegovine;
- Strategija zapošljavanja BiH 2017-2020. (radni dokument);
- Strategija Evropa 2020 - Agenda za nove veštine i nova radna mjesta;
- Akcioni plan za realizaciju prioriteta iz dokumenta Evropsko partnerstvo sa Bosnom i Hercegovinom;
- Međunarodni ugovori koje Bosna i Hercegovina ima sa drugim državama u oblasti zapošljavanja i socijalne sigurnosti;
- Mapa puta u procesu pridruživanja BiH Evropskoj uniji.

## Poglavlje 2: Vizija i misija institucija

### 2.1.VIZIJA

ARZBiH će u 2020 godini biti kadrovski i materijalno razvijena državna institucija koja će kvalitetno kreirati, komunicirati i isporučiti vrijednost za svoje korisnike usluga izvršavanjem zakonom povjerene poslove u oblasti zapošljavanja i na taj način obezbjediti poboljšan društveni proces za smanjenje broja nezaposlenih u BiH.

### 2.2.MISIJA

ARZBiH je institucija koja razvija, oblikuje i sprovodi programe, procese i aktivnosti gradeći bliske i dugoročne odnose sa nadležnim entitetskim zavodima za zapošljavanje i Zavodom za zapošljavanje Brčko distrikta BiH u koordinaciji sa Ministarstvom civilnih poslova Bosne i Hercegovine i na taj način izvršava preuzete međunarodne obaveze iz oblasti zapošljavanja.

## Poglavlje 3: Učesnici i partneri

Djelujući u okviru svojih zakonom definisanih nadležnosti, ARZBiH saraduje sa velikim brojem institucija u BiH, na svim nivoima vlasti, a sa ciljem ispunjavanja svojih zakonskih nadležnosti u izvršavanju preuzetih međunarodnih obaveza i koordinaciju aktivnosti između entiteta i Brčko distrikta BiH u oblasti zapošljavanja. U realizaciji ovih aktivnosti, agencija saraduje sa: resornim Ministrastvom civilnih poslova BiH; entitetskim zavodima za zapošljavanje i Zavodom za zapošljavanje Brčko distrikta BiH; nadležnim entitetskim resornim ministarstvima; udruženjima poslodavaca i sindikata na nivou BiH, entiteta i Brčko distrikta BiH; zavodima za zapošljavanje drugih zemalja (Hrvatska, Srbija, Slovenija, Makedonija, Crna Gora, Turska, Mađarska, Njemačka, Austrija); Delegacijom EU u BiH; Organizacijom za ekonomsku saradnju (OECD); Svjetskom asocijacijom javnih službi za zapošljavanje (WAPES); Centrom javnih službi za zapošljavanje zemalja jugoistočne Evrope – CPESSEC; Međunarodna organizacijom rada (MOR), Međunarodnom organizacijom za

migracije (IOM), Evropskom trening fondacijom (ETF) i dr. Pored navedenih, ARZBiH saraduje po potrebi i sa institucijama na svim nivoima vlasti u BiH, uključujući i Brčko distrikt BiH, nadležna entitetska ministarstva, kantone, opštine, privredna udruženja i drugim asocijacijama. U strateškom periodu Agencija planira uvezivanje sa svim domaćim i stranim partnerskim institucijama koje mogu da pomognu u ispunjenju navedenog strateškog cilja i sa njima da potpiše Memorandume o saradnji i razumjevanju kako bi se postigle efikasne politke i procedure u oblasti zapošljavanja kao jednog od glavnih prioriteta djelovanja javnih institucija BiH.

ARZ BiH će nastojati da u planiranim bilateralnim pregovorima sa državama sa kojima BiH ima potpisane sporazume o zapošljavanju preuzme mjere u cilju racionalizacije potrebnog vremena resursa za dobijanje radne dozvole po potpisivanju ugovora sa inostranim poslodavcem.

#### Poglavlje 4: Osnovna programska opredjeljenja

Važnu ulogu u određivanju srednjoročnog cilja ARZBiH imala je i analiza okruženja kojom su identifikovane slabosti i snage institucije, kao i vanjski faktori koji bi mogli uticati na realizaciju ciljeva. Rezultati analize okruženja (SWOT analiza) u kojem posluje ARZBiH predstavljeni su u tabelarnom prikazu u Prilogu.

Srednjoročni cilj Agencije za naredni trogodišnji period proizlaze iz njezine misije, vizije i nadležnosti. Srednjoročni cilj ARZBiH je „Unapređenje sistema koordinacije aktivnosti u oblasti rada i zapošljavanja" koji se ostvaruje u dva programa:

- 1.Međunarodna saradnji u oblasti rada i zapošljavanja - zapošljavanje radnika iz BiH u drugim zemljama, na osnovu sklopljenih sporazuma između BiH i drugih zemalja i
- 2.Međunarodna saradnji u oblasti rada i zapošljavanja - socijalna sigurnost radnika po osnovu nezaposlenosti, na osnovu sklopljenih sporazuma između BiH i drugih zemalja u oblasti socijalnog osiguranja.

Program Međunarodna saradnji u oblasti rada i zapošljavanja - zapošljavanje radnika podrazumjeva izvršavanje međunarodnih sporazuma iz oblasti zapošljavanja koje BiH ima sa drugim državama i druge pratećih aktivnosti, a u kojima je ARZBiH organ za provođenje tih sporazuma i drugih pratećih aktivnosti za realizaciju ovog Programa.

Program Međunarodna saradnji u oblasti rada i zapošljavanja - socijalna sigurnost radnika podrazumjeva izvršavanje međunarodnih sporazuma iz oblasti socijalnog osiguranja po osnovu nezaposlenosti koje BiH ima sa drugim državama, a u kojima je ARZBiH organ za provođenje tih sporazuma i drugih pratećih aktivnosti za realizaciju ovog Programa.

## Poglavlje 5: Resursi i kapaciteti potrebni za postizanje ciljeva

### 5.1. Predviđeni izvori finansiranja

Za realizaciju programa i pripadajućih projekata, a u cilju implementacije postavljenog srednjoročnog cilja definisanog Srednjoročnim planom rada, potrebno je obezbijediti sredstva u iznosu od 3.465.000 KM iz Budžeta institucija Bosne i Hercegovine i strukturana su kao trogodišnji budžet Agencije dok će dodatna sredstva koja se mogu iskazati po zahtjevu uz detaljno obrazloženje, odobravati Savjet ministara posebnim odlukama. Navedena sredstva su potrebna za jačanje i razvoj kadrovskih, organizacionih i tehničkih kapaciteta ARZBiH u cilju izvršenja Srednjoročnog plana rada Agencije za period 2018 – 2020. godine.

### 5.2. Jačanje organizacionih kapaciteta

U planskom periodu ARZBiH će nastojati da izvrši prijem nedostajućeg kadra predviđenog Pravilnikom o unutrašnjoj sistematizaciji, i/ili jačati kadrovske kapacitete u smislu ulaganja u razvoj i nadogradnju postojećih znanja već angažovanog kadra kroz obuke postojećih zaposlenih.

## Poglavlje 6: Okvir za praćenje provođenja plana i evaluacija rezultata

ARZBiH je za ostvarenje srednjoročnog cilja, specifičnog cilja i projekata identifikovala pokazatelje uspjeha, dok su za planirane projekte definisani pripadajući pokazatelji rezultata.

### 6.1. Metode za prikupljanje informacija o pokazateljima uspjeha

Osnova za izradu Srednjoročnog plana rada ARZBiH je Srednjoročni program rada Savjeta ministara BiH kao i zakonski okvir i strateški dokumenti kojima se definiše rad institucija. U skladu sa utvrđenom misijom i vizijom ARZBiH određuje se srednjoročni cilj koji se zasniva na provođenju programa. Programi se sastoji od ključnih projekata koji će biti realizovani u toku planskog perioda. Direktor Agencije prije početka izrade Srednjoročnog plana rada Agencije predstavlja ključna usmjerenja i prioritete u vezi sa mandatom institucije, te aktivno prati proces izrade plana rada i uključen je u sve bitne faze donošenja odluka. Na početku godine posebnom odlukom imenuje se koordinator i radna grupa koja učestvuje u izradi i utvrđivanju prioriteta i strateških projekata Agencije. Prikupljanje informacija se vrši na internim sastancima metodom rangiranja u skladu sa dokumentom Ministarstva finansija i


trezora Bosne i Hercegovine – Priručnik za izradu srednjoročnih planova. U postupku izrade uzima se u obzir i analiza okruženja izrađena pomoću SWOT analize. Određivanje troškova izvršenja programa i projekata zahtijeva aktivnu saradnju imenovanog koordinatora i rukovodilaca organizacionih jedinica sa zaposlenikom zaduženim za planiranje budžeta Agencije.

## 6.2. Praćenje i evaluacija Srednjoročnog plana rada ARZBiH

U postupku realizacije Srednjoročnog plana rada ARZBiH provodi se proces monitoringa i praćenja čiji je cilj uočavanje eventualnog odstupanja od plana, te ocjena da li će planirane aktivnosti postići učinak postavljenog cilja Agencije. Praćenje i monitoring izvršenja i provođenja aktivnosti vršiće se pomoću izvještaja o provođenju Srednjoročnog plana rada ARZBiH koji će biti dostavljen Ministarstvu finansija i trezora Bosne i Hercegovine i Direkciji za ekonomsko planiranje Bosne i Hercegovine najkasnije do 15. februara.

Svake tri godine sačinice se izvještaj o evaluaciji provođenja Srednjoročnog plana rada institucije. U skladu sa Metodologijom o postupku srednjoročnog planiranja, praćenja i izvještavanja u institucijama Bosne i Hercegovine koja je sačinjena u skladu sa Odlukom o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH", broj 62/14), ARZBiH će izvještaj o evaluaciji dostaviti Ministarstvu finansija i trezora Bosne i Hercegovine i Direkciji za ekonomsko planiranje Bosne i Hercegovine najkasnije do 1. maja za predhodni period.





*[Handwritten signature]*  
Potpis

PRILOG 1: Akcioni plan srednjoročnog plana rada institucije Agencija za rad i zapošljavanje BiH

AKCIONI PLAN SREDNJOROČNOG PLANA RADA INSTITUCIJE Agencija za rad i zapošljavanje BiH

Opći cilj / principi razvoja:

4. Inkluzivni rast

Strateški cilj: 4.10. Povećati mogućnosti za zapošljavanje

1	2	3	4	5	6	7	8	9	10	11	Procjena troškova				Izvori finansiranja				20	21	
											12	13	14	15	16	17	18	19			
Srednjoročni cilj	Specifični ciljevi	Programi	Projekt	Institucija odgovorna za implementaciju	Pokazatelj	Jednica mjerenja (%, broj ili opisto)	Početna vrijednost godina 2017	Ciljana vrijednost godina 2018	Ciljana vrijednost godina 2019	Ciljana vrijednost godina 2020	Procijenjeni troškovi godina 2018	Procijenjeni troškovi godina 2019	Procijenjeni troškovi godina 2020	Ukupno troškovi	Budžet	Krediti	Donacije	Ostali izvori	Ukupno	Programi u DDB-u	
4.10.1. Unaprijediti politike i koordinaciju s nadležnim institucijama u BiH u oblasti rada i zapošljavanja	4.10.1.1. Povećanje mogućnosti zapošljavanja u koordinaciji sa entitetskim zavodima za zapošljavanje i Zavod za zapošljavanje BOBiH										1.155.000	1.155.000	1.155.000	3.465.000	3.465.000	0	0	0	0	3.465.000	
						Broj zaključenih međunarodnih sporazuma iz oblasti rada i zapošljavanja	4	4	4	5											
						Broj međunarodnih sporazuma iz oblasti socijalne sigurnosti	9	9	10	10											
		1. Međunarodna saradnja u oblasti rada i zapošljavanja radnika				Broj zaključenih međunarodnih sporazuma iz oblasti rada i zapošljavanja	4	4	4	5	693.000	693.000	693.000	2.079.000	2.079.000	0	0	0	0	2.079.000	Provedeni sporazumi i protokola o zapošljavanju
						Broj novozaposlenih radnika iz BiH u inostranstvu	5800	5650	5900	6000											
						IBH-ARZ-1 - Sprovođenje sporazuma i Protokola o zapošljavanju						577.500	577.500	577.500	1.732.500	1.732.500	0	0	0	1.732.500	

**AKCIONI PLAN SREDNJOROČNOG PLANA RADA INSTITUCIJE Agencija za rad i zapošljavanje BiH**

**4. Inkluzivni rast**

Opći cilj / principi razvoja:

Strateški cilj:

**4.10. Povećati mogućnosti za zapošljavanje**


1	2	3	4	5	6	7	8	9	10	11	12	13	14	15	16	17	18	19	20	21
Strateški cilj	Specifični ciljevi	Programi	Projekt	Institucija odgovorna za implementaciju	Indikator	Jedinična mjera (%, broj ili opisno)	Polazna vrijednost godina 2017	Ciljana vrijednost godina 2018	Ciljana vrijednost godina 2019	Ciljana vrijednost godina 2020	Procjenjeni troškovi godina 2018	Procjenjeni troškovi godina 2019	Procjenjeni troškovi godina 2020	Ukupno troškovi	Budžet	Kredit	Donacije	Ostali izvori	Ukupno	Programi iz ODBU
					Broj novozaposlenih radnika iz BiH u inozemstvu	broj	5800	5850	5900	6000	115.500	115.500	115.500	346.500	346.500	0	0	0	346.500	
					IBI-ARZ-3 - Statistička analiza i izvještavanje	ARZ														
					Broj pripremljenih statističkih izvještaja	broj	16	16	16	18										
					2. Međunarodna saradnja u oblasti rada i zapošljavanja- socijalna sigurnost radnika						462.000	462.000	462.000	1.386.000	1.386.000	0	0	0	1.386.000	Procjena e sporazum a o socijalno m osiguranj u
					Broj međunarodnih sporazuma iz oblasti socijalne sigurnosti	broj	9	9	10	10										
					Broj rešenih predmeta prema sporazumima o socijalnom osiguranju	broj	850	850	860	870										
					IBI-ARZ-2 - Sprovedenje sporazuma o socijalnom osiguranju	ARZ					462.000	462.000	462.000	1.386.000	1.386.000	0	0	0	1.386.000	
					Broj rešenih predmeta prema sporazumima o socijalnom osiguranju	broj	850	850	860	870										

PRILOG 2: Pregled zakona, drugih propisa i razvojno-investicionih projekata/programa predviđenih Srednjoročnim planom rada institucije Agencija za rad i zapošljavanje BiH

PREGLED ZAKONA, DRUGIH PROPISA I RAZVOJNO-INVESTICIONIH PROJEKATA/PROGRAMA PREDVIĐENIH SREDNJOROČNIM PLANOM RADA INSTITUCIJE Agencija za rad i zapošljavanje BiH								
Opci cilj / principi razvoja:								
4. Inkluzivni rast								
Strateški cilj:								
4.10. Povećati mogućnosti za zapošljavanje								
Srednjoročni cilj	Specifični cilj	Programi	ZAKONI	PODZAKONSKI AKTI	Usklađivanje s pravnim naslijeđem EU-a (DA ili NE)	Planirani period za DONOŠENJE	NAZIV PROJEKTA JAVNIH INVESTICIJA	Očekivani PERIOD REALIZACIJE
4.10.1. Unaprijediti politike i koordinaciju s nadležnim institucijama u BiH u oblasti rada i zapošljavanja								
	4.10.1.1. Povećanje mogućnosti zapošljavanja u koordinaciji sa entitetskim zavodima za zapošljavanje i Zavod za zapošljavanje BDBiH							

PREGLED ZAKONA, DRUGIH PROPISA I RAZVOJNO-INVESTICIJSKIH PROJEKATA/PROGRAMA PREDVIĐENIH SREDNJOROČNIM PLANOM RADA INSTITUCIJE Agencija za rad i zapošljavanje BiH

Opći cilj / principi razvoja:		4. Inkluzivni rast						
Strateški cilj:		4.10. Povećati mogućnosti za zapošljavanje						
Srednjoročni cilj	Specifični cilj	Programi	ZAKONI	PODZAKONSKI AKTI	Usklađivanje s pravnim naslijeđem EU-a (DA ili NE)	Planirani period za DONOŠENJE	NAZIV PROJEKTA JAVNIH INVESTICIJA	Očekivani PERIOD REALIZACIJE
		1. Međunarodna saradnja u oblasti rada i zapošljavanja radnika						
		2. Međunarodna saradnja u oblasti rada i zapošljavanja socijalna sigurnost radnika						

  
Potpis

